



REPUBLIKA E SHQIPËRISË
AUTORITETI I KONKURENCËS

V E N D I M

Nr. 456, Datë 28.03.2017

Për

“Autorizimin e përqendrimit të realizuar nëpërmjet përfutimit të kontrollit të Tobacco Press d.o.o. Mostar dhe Aseteve të Duhanit të Fabrika Duhana Sarajevo d.d. nga British American Tobacco Investments Limited”

Komisioni i Konkurrencës me pjesëmarrjen e:

Znj.	Juliana LATIFI	Kryetar
Z.	Koço BROKA	Anëtar
Znj.	Iva ZAJMI	Anëtar
Z.	Eduard YPI	Anëtar
Znj.	Leida MATJA	Anëtar

Në mbledhjen e tij të datës 28.03.2017, shqyrtoi çështjen me:

Objekti: Autorizimin e përqendrimit nëpërmjet përfutimit të kontrollit të Tobacco Press d.o.o. Mostar dhe Aseteve të Duhanit të Fabrika Duhana Sarajevo d.d. nga British American Tobacco Investments Limited.

Baza ligjore: Ligji Nr. 9121, datë 28.07.2003 “Për Mbrojtjen e Konkurrencës”, i ndryshuar, neni 24, germa d, nenet, 2, 10 - 12, dhe neni 16 dhe në veçanti Kreu IV “Procedurat për kontrollin e përqendrimeve” nenet 53 - 64, Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit” dhe formulari i thjeshtuar “Për njoftimin e përqendrimit”.

Komisioni i Konkurrencës, pas shqyrtimit të raportit mbi njoftimin e përqendrimit British American Tobacco Investmens Limited / Fabrika Duhana Sarajevo d.d. / Tobacco Press d.o.o. Mostar dhe relacionit të Sekretarit të Përgjithshëm,

V Ë R E N S E:

1. Transaksioni dhe përqendrimi

Transaksioni i përqendrimit është realizuar me anë të “Marrëveshjes për shitjen pjesore të aseteve lidhur me shitjen dhe blerjen e pakicës së aseteve të Tobacco-s të Fabrika Duhana Sarajevo d.d.” (“ACA”), e nënshkruar ndërmjet palëve, Fabrika Duhana Sarajevo d.d. (“Shitësi”) dhe British American Tobacco Investments Limited (“Blerësi”), më datë 27 Janar 2017.

Përqendrimi ka formën e një transaksioni asetesh dhe aksionesh, i kombinuar në një transaksion të vetëm që konsiston në përftimin nga ana e Blerësit mbi baza të qëndrueshme, të kontrollit mbi Asetet e Shitura në përputhje me ACA-n.

Sipas pjesës së transferimit të aseteve të transaksionit (Asetet e Shitura) dhe në përputhje me ACA, Blerësi do të blejë nga Shitësi: (i) Asetet e Duhanit të Shitësit; (ii) markat e FDS në mënyrë të përkohshme; dhe (iii) Aksionet e Tobacco Press d.o.o. Mostar.

Këto Asete të Shitura blihen në mënyrë simultane dhe blerjet e këtyre dy llojeve të ndryshme asetesh janë të ndërvarura, në kuptimin që Shitësi nuk angazhohet të shesë dhe Blerësi nuk angazhohet të blejë ndonjë nga këto lloje asetesh, nëse nuk mund t’i shesë apo t’i blejë ato të gjitha.

Si rrjedhojë, në këtë transaksion kontrolli i qëndrueshëm mbi Asetet e Shitura përftohet në mënyrë të drejtpërdrejtë nga Blerësi.

Ky transaksion, i cili shkakton ndryshim të kontrollit në shoqërinë Tobacco Press d.o.o. Mostar dhe në asetet e duhanit të Fabrika Duhana Sarajevo d.d., përbën një përqendrim në kuptim të nenit 10, pika 1, germa c të Ligjit Nr. 9121, datë 28.07.2003 “Për Mbrojtjen e Konkurrencës, i ndryshuar (“Ligji”).

2. Palët në transaksion

British American Tobacco Investments Limited, në cilësinë e **Blerësit** është një shoqëri me përgjegjësi të kufizuar e krijuar dhe që funksionon në bazë të ligjeve të Anglisë dhe Uellsit, me seli në adresën: Globe House, 1 Water Street, London, WC2R 3LA, Mbretëria e Bashkuar. British American Tobacco Investments Limited është një shoqëri investimesh dhe nëpërmjet shoqërive

të kontrolluara prej saj operon si shitëse me pakicë cigaresh dhe gazetash në Evropën Qendrore dhe Lindore. Shoqëria kontrollohet nga British American Tobacco p.l.c.

Ajo operon në Shqipëri me anë të degës së saj British American Tobacco – Albania ShPK.

Tobacco Press d.o.o. Mostar (TPM): në cilësinë e ndërmarrjes **Target**, është një shoqëri me përgjegjësi të kufizuar e themeluar në përputhje me ligjet e Bosnjës dhe Hercegovinës, me seli në Blajburskih Znova br. 62, Mostar. Aktiviteti kryesor i TPM-së është të kryejë shitje me pakicë të librave, gazetave, revistave, produkteve të letrës, cigare dhe artikuj kancelarie. TPM operon me një rrjet prej 256 dyqanesh shitjeje me pakicë të tipit kioska gazetash të ndodhura në 56 degë lokale në territorin e Bosnjës dhe Hercegovinës.

Asetet e Duhanit përbëhen nga të drejtat e pronësisë intelektuale (DPI) mbi asetet e duhanit të zotëruara nga Shitësi (Fabrika Duhana Sarajevo d.d.) në formën e: (i) DPI mbi Asetet e Duhanit dhe (ii) Marrëveshjet DPI mbi Asetet e Duhanit.

3. Xhiro për vitin 2015

- Xhiro totale në **tregun ndërkombëtar** është 2,534,818,253,139 **Lekë**:
 - British American Tobacco p.l.c.¹ : 13,104,000,000 £² = 2,529,072,000,000 Lekë
 - Fabrika Duhana Sarajevo d.d.³ : 38,685,854 BAM⁴ = 2,669,323,926 Lekë
 - Tobacco Press d.o.o.. Mostar⁵ : 44,593,177 BAM = 3,076,929,213 Lekë
- Xhiro totale në **tregun e brendshëm**: është 1,350,054,274 **Lekë**:
 - British American Tobacco – Albania ShPK⁶ : 1,350,054,274 Lekë

Palët në transaksion plotësojnë kriteret e xhiros së përcaktuar në nenin 12, pika 1, germa b të Ligjit.

¹Burimi: Raporti vjetor për vitin 2015 për shoqërinë British American Tobacco p.l.c.

²Burimi: Sipas kursit zyrtar të Bankës së Shqipërisë për vitin 2015, 1£ = 193 lekë.

³Burimi: Pasqyrat financiare për 6 mujorin e vitit 2016 për shoqërinë Fabrika Duhana Sarajevo D.D., (të dhënat për vitin FY15)

⁴Burimi: www.xe.com, 1BAM=69 ALL (BAM – Bosnian Convertible Marka)

⁵Pasqyrat financiare të konsoliduara për vitin 2015 për shoqërinë Tobacco Press d.o.o. Mostar.

⁶Burimi: Pasqyrat financiare të konsoliduara për vitin 2015 për shoqërinë British American Tobacco – Albania ShPK

4. Analiza e konkurrencës

4.1 Tregu përkatës

Tregu përkatës i produktit: Sa më sipër, tregu përkatës i produktit do konsiderohet tregu i importit dhe tregtimit të duhanit të prodhuar nëpërmjet makinerive (FMC).

Tregu përkatës gjeografik: Për analizimin e këtij rasti tregu përkatës gjeografik do të konsiderohet tregu i brendshëm, pra territori i Republikës së Shqipërisë.

4.2 Struktura e Tregut

Në Shqipëri tregu i duhanit të prodhuar nëpërmjet makinerive (FMC) përbëhet vetëm nga importi i tyre. Në tregun shqiptar ka një shumëllojshmëri të markave të cigareve të importuara. Në këtë treg, për vitin 2016 kanë kryer aktivitetin e importit të produkteve të duhanit rreth 20 kompani, 15 prej të cilave janë kompani importuese të produktit FMC (cigareve të prodhuara nëpërmjet makinerive).

Ndër kompanitë kryesore: Philip Morris Albania operon në treg me markat e cigareve Marlboro, Merit, Philip Morris, L&M dhe Assos; Agra operon në treg me markat Kamelia, American Legend dhe OME; Marketing & Distribution operon me markat Winston, Camel, Imperial dhe Maxim; dhe British American Tobacco me markat Rothmans, Kent dhe Lucky Strike.

5. Vlerësimi i konkurrencës pas përqendrimit

Tregu i duhanit të prodhuar nëpërmjet makinerive në Shqipëri përbëhet vetëm nga duhani i importuar me një shumëllojshmëri markash.

Philip Morris dhe Agra janë dy konkurrentët kryesorë në treg me pjesë tregu për vitin 2016 respektivisht tregu 37% dhe 33%. Marketing & Distribution paraqitet si konkurrenti i tretë më i rëndësishëm në treg me 12 % të tij për vitin 2015 dhe 9 % në vitin 2016.

Nga të dhënat rezulton se British American Tobacco – Albania ShPK ka realizuar importe për vitet 2015, 2016 përkatësisht në masën 7% dhe 9% të tregut.

Bazuar në karakteristikat e tregut përkatës për duhanin e prodhuar nga makineritë, si dhe nisur nga numri i kufizuar i volumeve të shitjes dhe pjesës së tregut të markave të ndërmarrjes Fabrika Duhana Sarajevo d.d. (FDS) në Shqipëri, përqendrimi nuk do të shkaktojë pasoja negative për

konkurrencën në këtë treg. Gjithashtu edhe pjesa e tregut e ndërmarrjes BAT Albania ShPK nuk do të ndryshojë si rezultat i realizimit të këtij transaksioni.

Sa më sipër, ky përqendrim nuk shfaq shenja të kufizimit të konkurrencës në treg ose në një pjesë të tij në veçanti, si rezultat i krijimit ose forcimit të pozitës dominuese sipas parashikimeve të nenit 56 pika 1 të Ligjit Nr. 9121, datë 28.7.2003 “Për Mbrojtjen e Konkurrencës”, i ndryshuar.

PËR KËTO ARSYE

Në bazë të nenit 24, shkronja d, dhe nenit 56 pika 1, të Ligjit nr. 9121, datë 28.07.2003 “Për Mbrojtjen e Konkurrencës”, i ndryshuar:

VENDOSI:

1. Të autorizojë përqendrimin e realizuar nëpërmjet përfutimit të kontrollit të Tobacco Press d.o.o. Mostar dhe Aseteve të Duhanit të Fabrika Duhana Sarajevo d.d. nga British American Tobacco Investments Limited.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS